




**BOSNA I HERCEGOVINA
FEDERACIJA BOSNE I HERCEGOVINE
URED ZA REVIZIJU INSTITUCIJA U FBiH
SARAJEVO**



Ložionička 3, 71000 Sarajevo, Tel: + 387 (0)33 221 623, Fax: 716 400, www. saifbih.ba, e-mail: urrevfed@bih.net.ba, saifbih@saifbih.ba


Broj: UR-03/017-1, 018-1/07

**IZVJEŠTAJ O REVIZIJI FINANSIJSKIH IZVJEŠTAJA
na dan 31. decembra 2006. godine
FEDERALNOG MINISTARSTVA OKOLIŠA I TURIZMA**

Sarajevo, maj 2007. godine



BOSNA I HERCEGOVINA
FEDERACIJA BOSNE I HERCEGOVINE
URED ZA REVIZIJU INSTITUCIJA U FBiH
SARAJEVO



Ložionička 3, 71000 Sarajevo, Tel: + 387 (0)33 723 550, Fax: 716 400, www.saifbih.ba, e-mail: urrevfed@bih.net.ba, saifbih@saifbih.ba

**MENADŽMENTU
FEDERALNOG MINISTARSTVA OKOLIŠA I TURIZMA**

NEOVISNO REVIZIJSKO MIŠLJENJE

1. Obavili smo reviziju finansijskih izvještaja **Federalnog ministarstva okoliša i turizma**, iskazanu na stranicama 1 do 5, za godinu koja je završila 31.decembra 2006.godine. Za ove izvještaje odgovornost snosi menadžment Federalnog ministarstva okoliša i turizma. Naša odgovornost svodi se na izražavanje mišljenja o tim finansijskim izvještajima na temelju provedene revizije.
2. Reviziju smo obavili, na osnovu ovlaštenja u skladu sa Zakonom o reviziji institucija u FBiH("Sl. novine FBiH", broj 22/06), a u skladu sa INTOSAI međunarodnim standardima. Ovi standardi zahtijevaju planiranje i obavljanje revizije tako da revizija pruži razumno uvjerenje o tome ima li u finansijskim izvještajima značajnih pogrešaka kao i da li su finansijske transakcije izvršene u skladu sa zakonskim propisima. Revizija je uključila ispitivanje, testiranje i prikupljanje dokaza koji potkrepljuju iznose i objave u finansijskim izvještajima. Revizija je također obuhvatila ocjenu primjenjenih računovodstvenih načela i vrednovanje sveukupne prezentacije finansijskih izvještaja i ocjenu primjene propisa.Vjerujemo da je provedenom revizijom prikupljeno dovoljno dokaza kako bi se stvorile pouzdane osnove za izražavanje našeg mišljenja.
3. Nakon obavljene revizije finansijskih izvještaja Federalnog ministarstva okoliša i turizma, skrećemo pažnju na sljedeće :
 - prilikom odobravanja sredstava tekućih transfera za izradu turističke signalizacije kantona u iznosu od 400.000,00 KM i sredstava za finansiranje turističkih manifestacija od značaja za Federaciju BiH u iznosu od 327.500,00 KM, nisu se dosljedno primjenjivali kriteriji utvrđeni u Programu utroška sredstava sa kriterijima raspodjele sredstava i nije vršen nadzor nad namjenskim utroškom sredstava u skladu sa navedenim programom,
 - više stvoreni izdaci za putne troškove u odnosu na odobrena budžetska sredstva u iznosu od 7.398,00 KM, što nije u skladu sa Zakonom o budžetu u FBiH i Zakonom o izvršenju budžeta za 2006. godinu,
 - nedovoljno funkcionisanje sistema internih kontrola u dijelu nedosljedne primjene Zakona o budžetu u FBiH, Zakona o izvršavanju budžeta u FBiH i Instrukcije Federalnog Ministarstva finansija o načinu i elementima za izradu Budžeta FBiH, u dijelu korištenja sredstava za namjene koje nisu planirane budžetom, kao i nepostojanje normativa kojima bi se vršila stvarna kontrola utroška goriva,
 - ne može se potvrditi da je vršen nadzor od strane Federalnog ministarstva okoliša i turizma nad korištenjem sredstava za razvojno-investicione projekte finansirane iz INO-kreditnih i donatorskih sredstava, a što je propisano Uredbom o uspostavi koordinacionog mehanizma za upravljanje i koordiniranje sredstava za razvitak u Federaciji BiH.

4. Po našem mišljenju, finansijski izvještaji, osim za navedeno u prethodnoj tački, daju istinit i fer pregled o finansijskom stanju i rezultatima poslovanja, korisnika budžeta Federalnog ministarstva okoliša i turizma, za godinu koja je završila 31.12.2006.godine.

Zamjenik generalnog revizora
Branko Kolobarić, dipl. oec.

Generalni revizor
Mr. sc. Ibrahim Okanović, dipl.oec.

IZVJEŠTAJ
O IZVRŠENOJ REVIZIJI FINANSIJSKIH IZVJEŠTAJA
FEDERALNOG MINISTARSTVA OKOLIŠA I TURIZMA
NA DAN 31.12.2006. GODINE

1 UVOD

Federalno ministarstvo okoliša i turizma (u daljem tekstu Ministarstvo) osnovano je u skladu sa Zakonom o izmjenama i dopunama Zakona o federalnim ministarstvima i drugim tijelima federalne uprave («Sl. novine FBiH», broj 8/06) i počelo s radom 1 marta 2006. godine. Ministarstvo obavlja upravne, stručne i druge poslove iz nadležnosti Federacije BiH koji se odnose na: ekološku zaštitu zraka, vode i tla, izradu strategije i politike zaštite okoliša, standarde kvaliteta zraka, voda i tla, ekološko praćenje i kontrolu zraka voda i tla, izradu strategije i politike razvoja turizma i ugostiteljstva, praćenje turističkih tokova na domaćim i inozemnim tržištima, usmjeravanje dugoročnog razvitka turizma u okviru cjelokupnog gospodarskog sistema i druge poslove utvrđene zakonom.

Unutrašnja organizacija i način rada Ministarstva utvrđeni su Pravilnikom o unutrašnjoj organizaciji broj: 01/02/1013 od 16.08.2006. godine, na koji je Vlada Federacije Bosne i Hercegovine je dala saglasnost, Odlukom V.broj: 533/2006 od 14.09.2006.godine.

Sredstva za rad Ministarstva obezbjeđuju se u federalnom budžetu.

Broj zaposlenih u Ministarstvu na dan 31.12.2006. godine je bio 28, a Budžetom za 2006. godinu odobrena su sredstva za 23 zaposlenika.

Sjedište Ministarstva je u Sarajevu, u ulici Alipašina broj 41.

2 OSVRT NA NALAZE REVIZIJE FINANSIJSKIH IZVJEŠTAJA

Ured za reviziju institucija u FBiH prvi put vrši reviziju finansijskih izvještaja Ministarstva.

3 CILJ REVIZIJE

Cilj revizije finansijskih izvještaja je da omogući revizoru da izrazi mišljenje o tome da li su finansijski izvještaji pripremljeni, u svakom značajnom pogledu, u skladu sa zakonskom važećom regulativom. Revizija je planirana i izvršena sa ciljem pribavljanja realne osnove da li finansijski izvještaji odražavaju tačan i istinit prikaz poslovanja tokom godine i stanja na kraju godine. Revizija će utvrditi: da li su preduzete sve mjere za osiguranje, ubiranje i čuvanje javnih prihoda i da li se Ministarstvo pridržavalo zakona i instrukcija koje se odnose na nju, da li su isplate javnih rashoda ili korištenje javnih prihoda vršene po odgovarajućim ovlaštenjima i za svrhe za koje je dato ovlaštenje. Također, izvršiti procjenu da li rukovodilac institucije primjenjuje zakone i propise, koristi sredstva za odgovarajuće namjene, ocijeniti finansijsko upravljanje, funkciju interne revizije i sisteme interne kontrole

Cilj revizije je postizanje transparentnosti u radu Ministarstva kao i javna odgovornost menadžmenta za zakonitost rada, uspješno i efikasno obavljanje odnosno sprovođenje postavljenih ciljeva što će se utvrditi uvidom u poslovanje Ministarstva.

Revizija, također, uključuje davanje preporuka za dalji rad, sa posebnim naglaskom na što efikasniju i ekonomičniju zaštitu imovine i trošenje sredstava, kao i stvaranje podloge za uvođenje, primjenu i što efikasniji rad interne kontrole.

4 NALAZI I PREPORUKE

a) *Menadžment i sistem internih kontrola*

U postupku revizije konstatovano je da je Ministarstvo donijelo sva potrebna akta u skladu sa Smjernicama za uspostavu i jačanje sistema internih kontrola, pred kraj godine tako da njihova primjena nije obuhvatila veći dio revidirane godine. Sistem internih kontrola nije u potpunosti funkcionisao kod primjene Zakona o budžetu u FBiH, Zakona o izvršavanju budžeta u FBiH i Instrukcije Federalnog Ministarstva finansija o načinu i elementima za izradu Budžeta FBiH, u dijelu izvršenih izdataka koji nisu planirani Budžetom i kod kontrole utroška goriva za službene automobile, a jedan od razloga je ne pravovremeno donošenje i primjena akata propisanih naprijed navedenim smjernicama.

Također, sistem internih kontrola nije funkcionisao u potpunosti kod praćenja izvršenja budžeta, tako da je iskazano prekoračenje budžeta na poziciji izdataka za putne troškove, što je u suprotnosti sa Zakonom o budžetu u FBiH, Zakonom o izvršavanju budžeta u FBiH za 2006. godinu. Nefunkcionisanje sistema internih kontrola, konstatovano je kod neprimjene kriterija utvrđenih Programom utroška sredstava sa kriterijima raspodjele sredstava tekućih transfera i vršenja nadzora nad utroškom sredstava Transfera za razvoj turizma u FBiH.

Organizaciona struktura Ministarstva je usvojena, ali ona nije u cjelosti popunjena. Tako je od predviđenih 97 zaposlenih popunjeno 28 radnih mjesta, što predstavlja 29 % od predviđenog broja zaposlenika utvrđenog u Pravilniku o unutrašnjoj organizaciji. Smatramo da broj zaposlenih u Pravilniku nije u skladu sa standardima i normativima zaposlenih u administraciji u Ministarstvu.

Potrebno je da se donesena akta u skladu sa Smjernicama za uspostavu i jačanje interne kontrole kod budžetskih korisnika u narednom periodu dosljedno primjenjuju u cilju uspostavljanja funkcionalnog sistema internih kontrola u svim segmentima rada, kako bi poslovanje bilo u skladu sa postojećim zakonima i propisima

b) *Izvršenje budžeta za 2006. godinu*

Uvidom u prezentiranu dokumentaciju i finansijske izvještaje, konstatovano je izvršenje budžeta, kako slijedi:

C-to	Vrsta rashoda	Budžet za 2006 godinu	Izvršenje Budžeta za 2006. g	Tekuća rezerva u 2006. g
1	2	3	4	5
611000	Bruto plaće i naknade zaposlenih	520.804	493.126	150.000
611100	Bruto plaće i naknade	371.101	359.931	150.000
611200	Naknade troškova zaposlenih	119.703	133.195	
612000	Doprinosi poslodavca i ostali doprinosi	36.157	39.900	4.000
612100	Doprinosi poslodavca	36.157	39.900	4.000
613000	Izdaci za materijal i usluge	495.904	225.865	17.000
613100	Putni troškovi	48.374	48.585	
613200	Izdaci za energiju	13.400	-	
613300	Izdaci za komunalne usluge	14.630	21.550	7.000
613400	Nabavka materijala	6.900	16.535	10.000
613500	Izdaci za usluge prijevoza i goriva	21.500	10.472	
613600	Unajmljivanje imovine i opreme	12.000	-	
613700	Izdaci za tekuće održavanje	12.300	12.043	
613800	Izdaci za osiguranje, bankarske usluge	7.800	2.687	
613900	Ugovorne usluge	359.000	113.992	

614000	Tekući transferi	5.039.997	2.063.869	
614100	Transferi za raalizaciju projekata	5.039.997	2.063.869	
821000	Izdaci za nabavku stalnih sredstava	490.000	435.485	
821300	Nabavka opreme	250.000	195.485	
821500	Strategija zaštite okoliša	240.000	240.000	
Ukupno rashodi i izdaci		6.552.862	3.258.246	171.000
Planirani broj uposlenih				23
Broj uposlenih na dan 31.12.2006.godine				28

Budžetom FBiH za 2006.godinu odobrena su sredstva Ministarstvu u iznosu od 6.552.862,00 KM, a iskazana u iznosu od 3.258.246,00 KM, što predstavlja ostvarenje 49,73 %. Neutrošena sredstva se u najvećem dijelu odnose na tekuće transfere u iznosu od 2.976.128,00 KM. Neizvršenje odobrenog budžeta na poziciji tekućih transfera, uglavnom se odnosi na planirani transfer po osnovu Zaključka Vlade FBiH u iznosu od 1.800.000,00 KM kojim je dio sredstava za realizaciju projekta trebao biti uplaćen od strane JP « Vodni slivovi rijeke Save » i Elektroprivrede HZ HB. Međutim, navedena pravna lica nisu obezbjedila planirana sredstva, tako da transfer nije ni realizovan.

Finansijski plan potrebnih sredstava u 2006. godini za Ministarstvo, sačinjen je u Federalnom ministarstvu finansija, a iz razloga što je Ministarstvo otpočelo sa radom u martu 2006. godine. Prema izjavi odgovornih osoba finasijski plan je sačinjen na osnovu broja zaposlenika koji su iz Federalnog ministarstva prostornog uređenja i okoliša i Federalnog ministarstva trgovine prešli u novoformirano Ministarstvo okoliša i turizma, a na osnovu Sporazuma.

Izdaci za naknade zaposlenih iskazane su u iznosu od 133.195,00 KM. Uvidom u prezentiranu dokumentaciju konstatovano je da je Federalno ministarstvo okoliša i turizma izvršilo isplatu nagrade svim zaposlenim u bruto iznosu od 27.000,00 KM (neto isplaćeno 18.000,00 KM i pripadajući porezi u iznosu od 9.000,00 KM), odnosno 600,00 KM po zaposlenom, sa pozicije jubilarnih nagrada, iako se navedeni izdaci nisu mogli planirati Instrukcijom Federalnog Ministarstva finansija o načinu i elementima za izradu Budžeta FBiH za 2006.godinu, broj 06-02-4517/05-A-K od 14.09.2005.godine.

Izdaci za materijal i usluge, ostvareni su u iznosu od 225.865,00 KM, a uvidom u prezentiranu dokumentaciju, konstatovano je prekoračenje budžeta u iznosu od 7.398,00 KM, koje se odnosi se na izdatke za putne troškove, tako da su navedeni troškovi evidentirani u 2007. godini, što je u suprotnosti sa Zakonom o budžetu u FBiH, Zakonom o izvršavanju budžeta u FBiH za 2006. godinu.

Ukupno izdaci za usluge prevoza i goriva iznose 10.472,00 KM, što je manje u odnosu na odobrena sredstva u Budžetu za 11.028,00 KM. Izvršenom revizijom izdataka za usluge prevoza i goriva, konstatovano je da je Ministarstvo donijelo Procedure o uvjetima i načinu korištenja službenih automobila, a normativi utroška goriva za vozila nisu doneseni. Postoje putni nalozi za vozila, ali se ne vodi evidencija o potrošnji goriva po vozilu, odnosno nije vršena kontrola utroška goriva po vozilu.

Da Ministarstvo koristi budžetska sredstva samo za namjene koje su određene budžetom i to do visine utvrđene u njegovom posebnom dijelu u skladu sa odredbama Zakona o budžetu u FBiH i Zakona o izvršavanju budžeta u FBiH.

Potrebno je Procedurama o uvjetima i načinu korištenja službenih vozila predvidjeti normative o utrošku goriva po vozilima i u skladu sa istima vršiti kontrolu.

Tekući transferi su ostvareni u iznosu od 2.063.869,00 KM, a planirani su u iznosu od 5.039.997,00 KM, što predstavlja ostvarenje 40,95 %.

Uvidom u prezentiranu dokumentaciju, konstatovano je da su na poziciji tekućih transfera, planirana i sredstva za realizaciju projekata koji se ne finansiraju isključivo iz sredstava budžeta, već iz sredstava donacija i sredstava pravnih lica.

Naime, utvrđeno je da su u plan uvrštena (planirana) sredstva koja su po Zaključku Vlade FBiH, V broj 726/05 od 22.12.2005. godine, trebala biti uplaćena od strane JP « Vodni slivovi rijeke Save » u iznosu od 800.000,00 KM i Elektroprivrede HZ HB, u iznosu od 1.000.000,00 KM.

Smatramo, da se navedena sredstva nisu mogla planirati u budžetu Ministarstva, iz razloga što JP « Vodni slivovi rijeke Save » i Elektroprivreda HZ HB, nisu potpisali Ugovor o namjenskom utrošku sredstava za realizaciju projekta III faze sanacije korita i vodopada Plive-Jajce, pa nisu ni preuzeli navedenu obavezu. U

2006. godini, planirana sredstva nisu uplaćena (obezbjeđena) od strane navedenih pravnih lica, pa je i to jedan od razloga manjeg izvršenja budžeta od planiranog. Za navedeni projekat otvoren je poseban transakcioni račun, na osnovu Uputstva o zatvaranju pojedinačnih računa i otvaranju podračuna za kredite i grantove federalnim budžetskim korisnicima, koji nije u okviru Jedinog računa Trezora. Uvidom u godišnji izvještaj za 2006. godinu za otvoreni poseban transakcioni račun za realizaciju projekta Jajcesanacija korita rijeke Plive i vodopada, konstatovano je da nije bilo transakcija na navedenom računu u 2006. godini.

Transfer za razvoj turizma u FBiH, realizovan na osnovu Odluke o usvajanju programa utroška sredstava sa kriterijima raspodjele sredstava tekućih transfera utvrđenih Budžetom FBiH za 2006. godinu. Budžetom su planirana sredstva u iznosu od 1.000.000,00 KM, a realizovana su u iznosu od 877.500,00 KM. Sredstva su utrošena za realizaciju izrade turističke signalizacije u kantonima u iznosu od 400.000,00 KM, za finansiranje turističkih manifestacija u iznosu od 327.500,00 KM, za finansiranje edukacije turističkih radnika u iznosu od 100.000,00 KM i za finansiranje i štampanje publikacija, stručnih časopisa i nabavku literature iz oblasti zaštite okoliša u iznosu od 50.000,00 KM.

Uvidom u prezentiranu dokumentaciju a vezano za realizaciju sredstava u skladu sa « Programom utroška sredstava sa kriterijima raspodjele sredstava tekućih transfera », konstatovano je da se nisu dosljedno primjenili kriteriji za realizaciju sredstava kod utroška sredstava za izradu turističke signalizacije u kantonima u iznosu od 400.000,00 KM (timu za reviziju nije prezentirana relevantna dokumentacija koja bi potvrdila da su primjenjeni utvrđeni kriteriji), za finansiranje turističkih manifestacija u iznosu od 327.500,00 KM (nije dostavljena potpuna dokumentacija od strane tražioca sredstava, tako da se nisu mogli primijeniti zadati kriteriji iz programa).

Izvršen je uvid u Zapisnik Komisije za praćenje utroška sredstava « Transfera za razvoj turizma u FBiH », od 15.11.2006. godine u kojem je napravljen plan nadzora i kontrole namjenskog utroška transfera za 2006. godinu po odobrenim programima u periodu od 01.10. do 31.12.2006. godine.

Do okončanja revizije, Komisija nije izvršila nadzor kod korisnika sredstava, utvrđenih u planu nadzora i kontrole namjenskog utroška transfera za 2006. godinu, a što je utvrđeno u tački IV Odluke o usvajanju programa utroška sredstava sa kriterijima raspodjele sredstava tekućih transfera utvrđenih Budžetom FBiH za 2006. godinu.

Potrebno je da Ministarstvo u potpunosti primjenjuje kriterije utvrđene Odlukom o usvajanju programa utroška sredstava sa kriterijima raspodjele sredstava tekućih transfera utvrđenih Budžetom FBiH i vrši nadzor nad namjenskim utroškom sredstava.

Razvojno – investicioni projekti

Uvidom u prezentiranu dokumentaciju implementacije razvojno-investicionih projekata finansiranih iz INO-kreditnih i donatorskih sredstava, utvrđeno je da je Ministarstvo u skladu sa članom 31. Zakona o izvršavanju budžeta FBiH, kvartalno izvještavalo Federalno ministarstvo finansija o utrošku sredstava, ali nadzor nad korištenjem sredstava za razvojno-investicione projekte finansirane iz INO-kreditnih i donatorskih sredstava, vršili su davaoci sredstava-investitori, odnosno nadzor nad korištenjem sredstava nije vršen od strane Ministarstva, što je u suprotnosti sa odredbama Uredbe o uspostavi koordinacionog mehanizma za upravljanje i koordiniranje sredstava za razvitak u Federaciji BiH.

Ministarstvo, je u skladu sa Uputstvom o otvaranju namjenskog transakcionog računa za grantove (donatorska sredstva) federalnim budžetskim korisnicima, zatečeno stanje u iznosu od 230.827,00 KM, evidentiralo na vanbilansnu evidenciju.

Uvidom u dokumentaciju, konstatovano je da je Ministarstvo u 2006. godini imalo otvorene posebne transakcione račune, koji nisu u okviru Jedinog računa Trezora, za realizaciju projekata i to: Jajcesanacija korita rijeke Plive i vodopada, Integralno upravljanje eko sistemima rijeka Trebišnjice i Neretve, Upravljanje čvrstim otpadom, Prostorno uređenje-BCRC/UNEP/MAP-CPD i Prostorno uređenje-UNEP-CBD.

Federalno ministarstva finansija je po zahtjevu Ministarstva, otvorilo posebne transakcioni račune, koji nisu u okviru Jedinog računa Trezora, a što je suprotno Zakonu o Trezoru u FBiH, Uputstvu o izvršavanju budžeta sa Jedinog računa Trezora, Instrukciji o planiranju i korištenju

sredstava s posebnih transakcionih računa otvorenih kao podračuna u okviru jedinstvenog računa Trezora

Ministarstvo je za sve naprijed otvorene posebne transakcione račune, koji nisu u okviru Jedinstvenog računa Trezora, sačinilo godišnji izvještaj, koji su dostavljeni Federalnom ministarstvu finansija.

Da Ministarstvo kod implementacije razvojno-investicionih projekata finansiranih iz INO-kreditnih i donatorskih sredstava, postupa u potpunosti u skladu Zakonom o izvršavanju budžeta FBiH i Uredbom o uspostavi koordinacionog mehanizma za upravljanje i koordiniranje sredstava za razvitak u Federaciji BiH.

Potrebno je da se u saradnji sa Federalnim ministarstvom finansija poduzmu aktivnosti u cilju da se posebni transakcioni računi otvore u okviru Jedinstvenog računa Trezora u skladu sa Zakonom o Trezoru i Uputstvom o izvršavanju budžeta za jedinstvenog računa trezora.

5 ZAKLJUČAK

Iako je Ministarstvo formirano u martu 2006. godine, donesena su sva potrebna akta u skladu sa Smjernicama za uspostavu i jačanje interne kontrole kod budžetskih korisnika pred kraj godine, tako da se efekti primjene donesenih akata očekuju u narednom periodu.

Izvršenom revizijom finansijskih izvještaja Ministarstva za 2006. godinu, u cilju sagledavanja zakonitosti rada i izvršenja finansijskog plana Ministarstva, konstatovani su određeni propusti u funkcionisanju sistema internih kontrola koji su imali uticaja na finansijsko poslovanje Ministarstva. Uočeni propusti odnose se na praćenje izvršenja budžeta (iskazano prekoračenje budžeta na poziciji izdataka za putne troškove), na izvršene izdatke koji nisu planirani Budžetom i kontrolu utroška goriva za službene automobile.

Posebno ističemo, propuste vezano za nepoštivanje propisanih kriterija raspodjele sredstava tekućih transfera i vršenja nadzora nad utroškom sredstava Transfera za razvoj turizma u FBiH.

Imajući u vidu konstatovane propuste, potrebno je da Ministarstvo, u cilju boljeg funkcionisanja sistema internih kontrola u potpunosti primjenjuje sve pisane procedure u skladu sa Smjernicama za uspostavu i jačanje interne kontrole kod budžetskih korisnika, da iste primjenjuje kako bi cjelokupno poslovanje Ministarstva bilo u skladu sa važećim propisima.

KOMENTAR

U ostavljenom roku, Federalno ministarstvo okoliša i turizma dopisom broj 08/02-14-673/07 IP od 14.04.2007. godine, pismeno se očitovalo na Izvještaj o izvršenoj reviziji finansijskih izvještaja za 2006. godinu u kojem su navedena obrazloženja za pojedine nalaze navedene u Izvještaju, ali nije dostavljena adekvatna dokumentacija i dokazi na osnovu kojih bi izmijenili nalaze u Izvještaju.

Viši revizor

Munib Ovčina, dipl. oec.

Tim za reviziju

Admir Džumhur, dipl. oec.

Esma Muslić, dipl. oec.